



Broj: 05/2-50-13-28-15/15

Sarajevo, 30.4.2015.

## Z A P I S N I K

### 15. sjednice Odbora za žalbe građana na rad policijskih službenika u policijskim tijelima Bosne i Hercegovine

Sjednica je održana 30.4.2015., s početkom u 11 sati.

**Prisutni članovi Odbora za žalbe građana:** Vjekoslav Vuković, predsjednik, Bakir Dautbašić, prvi zamjenik predsjednika, Borislav Radić, drugi zamjenik predsjednika, Negosava Stjepanović, Semir Šut, Tihomir Marinčić i Aleksandra Martinović.

**Ostali prisutni:** Ervin Pavlović i Vesna Stevanović iz Državne agencije za istrage i zaštitu, Velimir Pržulj i Veljko Lazić iz Granične policije BiH, Alma Tajić-Kurto, sekretar Odbora za žalbe građana, i Zoran Brkić iz Sektora za odnose s javnošću Sekretarijata Parlamentarne skupštine BiH.

Sjednicu je sazvao i njome predsjedavao Vjekoslav Vuković, predsjednik Odbora za žalbe građana.

Za sjednicu je predložen sljedeći

## D N E V N I R E D

1. Usvajanje Zapisnika 14. sjednice Odbora za žalbe građana Parlamentarne skupštine BiH;
2. Razmatranje žalbi na rad policijskih službenika Granične policije BiH:
  - a) *Žalba, broj: 05/2-50-17-70-4/15, od 22.1.2015., i Izvještaj o izvršenim preliminarним provjerama Granične policije BiH, broj: 17-07-34-7-191/15, od 15.4.2015.,*
  - b) *Žalba, broj: 05/2-50-17-70-9/15, od 9.2.2015., i Izvještaj o izvršenim preliminarним provjerama Granične policije BiH, broj: 17-07-04-22-385/15, od 27.3.2015.,*
3. Dopis Državne agencije za istrage i zaštitu u vezi s predstavkom koja se odnosi na policijsku službenicu M.G., broj: 16-08-34-3-3269-2/15, od 6.4.2015., protokolirano u Parlamentarnoj skupštini BiH pod brojem: 05/2-50-17-70-17/15, od 8.4.2015.;
4. Tekuća pitanja:
  - a) Ispravka Izvještaja Granične policije BiH, broj: 17-07-34-7-437/15, od 2.4.2015., u vezi s predmetom broj: 05/2-50-17-70-11/15.

Predloženi dnevni red usvojen je jednoglasno, bez izmjena i dopuna.

## **Ad.1. Usvajanje Zapisnika 14. sjednice Odbora za žalbe građana Parlamentarne skupštine BiH**

Zapisnik 14. sjednice Odbora za žalbe građana Parlamentarne skupštine BiH usvojen je jednoglasno, bez primjedbi.

## **Ad.2. Razmatranje žalbi na rad policijskih službenika Granične policije BiH:**

- a) Žalba, broj: 05/2-50-17-70-4/15, od 22.1.2015., i Izvještaj o izvršenim preliminarnim provjerama Granične policije BiH, broj: 17-07-34-7-191/15, od 15.4.2015.,*
- b) Žalba, broj: 05/2-50-17-70-9/15, od 9.2.2015., i Izvještaj o izvršenim preliminarnim provjerama Granične policije BiH, broj: 17-07-04-22-385/15, od 27.3.2015.*

U okviru ove tačke dnevnog reda Odbor za žalbe građana razmatrao je dvije žalbe na rad policijskih službenika u Graničnoj policiji BiH i izvještaje o izvršenim preliminarnim provjerama po žalbama Ureda za profesionalne standarde i unutrašnju kontrolu Granične policije BiH, i to:

### **a) Žalba, broj: 05/2-50-17-70-4/15, od 22.1.2015., i Izvještaj o izvršenim preliminarnim provjerama Granične policije BiH, broj: 17-07-34-7-191/15, od 15.4.2015.**

Izvjestilac u ovom predmetu Vjekoslav Vuković prezentirao je činjenice iz spisa i naglasio da je žalba ozbiljna jer ukazuje na diskriminaciju i vrlo neprofesionalno postupanje policijskih službenika.

Izvještaj Granične policije BiH prezentirao je Veljko Lazić koji je u svom izlaganju istakao da istragom nije utvrđeno da su u spornom događaju učestvovali policijski službenici Granične policije BiH, jer opis mjesta i lica koja su u spornom događaju učestvovala ne odgovara opisu graničnih prijelaza Bosne i Hercegovine u Neumu niti policijskim službenicima raspoređenim na njima. Također je naglasio da, nakon svih prikupljenih činjenica, postoje indicije da su u spornom događaju učestvovali granični policajci Republike Hrvatske.

Nakon rasprave o ovom predmetu, Odbor za žalbe građana BiH jednoglasno je usvojio zaključak kojim prihvata Izvještaj o obavljenim preliminarnim provjerama Granične policije BiH, broj: 17-07-34-7-191/15, od 15.4.2015., uz napomenu da će konačan stav o ovom predmetu Odbor zauzeti nakon prikupljanja ostalih činjenica o predmetnom događaju. U vezi s tim, Odbor za žalbe građana, zbog ozbiljnosti navoda iznesenih u žalbi, te zbog činjenice da istragom nije utvrđeno da su u predmetnom događaju učestvovali policijski službenici Granične policije BiH, traži od Granične policije BiH da posredstvom Ministarstva vanjskih poslova BiH zatraži od Granične policije Republike Hrvatske ispitivanje navoda iz prijave zbog indicije da su u predmetnom događaju učestvovali policijski službenici Granične

policije Republike Hrvatske. Po dobivanju ovog izvještaja Odbor za žalbe građana konačno će se izjasniti o navodima iz žalbe.

Također, Odbor za žalbe građana Parlamentarne skupštine BiH obavezuje Graničnu policiju BiH da do naredne sjednice Odbora dostavi spisak svih graničnih prijelaza Bosne i Hercegovine na kojima nije uspostavljen videonadzor ili nije u funkciji.

Odbor za žalbe građana Parlamentarne skupštine BiH preporučuje Graničnoj policiji BiH da na visokofrekventnim graničnim prijelazima Bosne i Hercegovine, odnosno graničnim prijelazima koje turisiti najčešće koriste za prelazak granice, budu angažirani policijski službenici koji poznaju osnove engleskog jezika. U vezi s tim, potrebno je da Granična policija BiH u narednom periodu, u skladu sa svojim planovima i finansijskim mogućnostima, organizira dodatnu obuku i edukaciju policijskih službenika Granične policije BiH o osnovama engleskog jezika.

**b) Žalba, broj: 05/2-50-17-70-9/15, od 9.2.2015., i Izvještaj o izvršenim preliminarnim provjerama Granične policije BiH, broj: 17-07-04-22-385/15, od 27.3.2015.**

Za izvjestioca u ovom predmetu određen je Semir Šut koji je prezentirao činjenice iz spisa. Izvještaj Granične policije obrazložio je Veljko Lazić koji je uz spis priložio Obavještenje koje je Granična policija BiH uputila podnosiocu žalbe, broj: 17-07-04-22-385/15, od 17.4.2015., te Informaciju, broj: 17-07-04-22-385/15, od 30.3.2015., upućenu Centralnom istražnom uredu Granične policije BiH.

Odbor za žalbe građana jednoglasno je usvojio Izvještaj o izvršenim preliminarnim provjerama Granične policije BiH, broj: 17-07-04-22-385/15, od 27.3.2015.

**Ad.3. Dopis Državne agencije za istrage i zaštitu u vezi s predstavkom koja se odnosi na policijsku službenicu M.G., broj: 16-08-34-3-3269-2/15, od 6.4.2015., protokolirano u Parlamentarnoj skupštini BiH pod brojem: 05/2-50-17-70-17/15, od 8.4.2015.**

Borislav Radić, izjavitelj u ovom predmetu, upoznao je članove Odbora da se ovim predmetom Odbor za žalbe građana u prošlom sazivu bavio u više navrata. Utvrđeno je da je podnositeljica žalbe liječeni psihički bolesnik, te je zaključeno da se njene žalbe više neće uzimati u razmatranje. Ervin Pavlović i Vesna Stevanović iz Državne agencije za istrage i zaštitu potvrdili su da je riječ o psihički bolesnoj osobi, što je utvrđeno tokom istraga po njenim žalbama, te da činjenice iznesene u žalbama nemaju dodirnih tačaka s licima i mjestima koja se navode u žalbama.

Odbor za žalbe građana BiH primio je k znanju navedeni dopis Državne agencije za istrage i zaštitu.

#### **Ad.4. Tekuća pitanja:**

##### **a) Ispravka Izvještaja Granične policije BiH, broj: 17-07-34-7-437/15, od 2.4.2015., u vezi s predmetom broj: 05/2-50-17-70-11/15**

Granična policija BiH je, u skladu sa zaključkom Odbora s 14. sjednice, izvršila ispravku tehničke greške i dostavila Odboru za žalbe građana BiH Ispravku Izvještaja, broj: 17-07-34-7-437/15, od 2.4.2015., u vezi s predmetom broj: 05/2-50-17-70-11/15.

Odbor za žalbe građana primio je k znanju navedenu Ispravku Izvještaja.

Vjekoslav Vuković je u okviru ove tačke dnevnog reda upoznao članove Odbora da je Zajednička komisija za odbranu i sigurnost BiH Parlamentarne skupštine BiH jednoglasno prihvatila Izvještaj o radu Odbora za žalbe građana BiH za 2014. godinu.

Također, informirao je prisutne o zaključcima usvojenim na seminaru o temi: „Uloga nezavisnih tijela za žalbe na rad policijskih službenika u jačanju policijskog integriteta“, koji je 23.4.2015., u organizaciji Odbora, DCAF-a i Centra za sigurnosne studije, održan u Sarajevu. Na seminaru su usvojeni sljedeći zaključci:

1. Potrebno je raditi na izradi zajedničkih smjernica za rad tijela Institucije ombudsmena i Odbora za žalbe građana na rad policijskih tijela na različitim nivoima, kao i jedinica za profesionalne standarde, kako bi se postupanje u navedenim slučajevima uskladilo, te stekla jedinstvena praksa.
2. Potrebno je jačati integritet policijskih službenika i informativno i edukacijski (na kompetencijama), kako bi se vratilo povjerenje građana u rad policije.
3. Potrebno je uočene slabosti u radu policijskih agencija pretočiti u obavezujuće zaključke onih organa koji imaju ovlaštenja za to (PSBiH i sl.). Potrebno je pratiti realizaciju zaključaka, odnosno raditi na njihovoj evaluaciji s direktnom odgovornošću onih koji su zaduženi za to.
4. Potrebno je raditi na većoj transparentnosti i nezavisnosti, kako bi šira javnost bila upoznata sa svojim pravima, njihovim korištenjem, te kome se i na koji način adekvatno obratiti.
5. Potrebno je raditi na jačanju jedinica za profesionalne standarde, edukacijski, kao i popunjavanjem predviđenog osoblja.

Sjednica je završena u 12 sati.

Sekretar  
Odbora za žalbe građana  
Alma Tajić-Kurto

Predsjednik  
Odbora za žalbe građana  
dr. sc. Vjekoslav Vuković